

لحظة موت ملاك الرحمة

رواية

عبد العال بجيت

مؤسسة يسطرون للطباعة والنشر والتوزيع



رئيس مجلس الإدارة

عماد سالم

المدير العام

أحمد فؤاد الهادى

مدير الإنتاج

أحمد عبد الحليم

الطبعة الأولى

الكتاب : لحظة موت ملاك الرحمة

المؤلف : عبد العال بخيت

تصنيف الكتاب : رواية

تصميم وإخراج : أحمد عبد الحليم

المقاس ٢٠ × ١٤

رقم الإيداع : ٢٠١٨ / ١٦٦٨١

الترقيم الدولى : 3 - 729 - 776 - 977 - 978

العنوان : المكتبة والمطبعة : ٣ ش صفوت - محطة المطبعة شارع الملك فيصل - الجيزة

التليفون : ٠١٢٢٩٣٠٠٠٢٩ - ٠١١٥٧٧٦٠٠٥٢

Email : yastoron@gmail.com

موقعنا على الفيس بوك : مؤسسة يسطرون لطباعة وتوزيع الكتب

جميع الحقوق محفوظة للمؤلف

كلمة

شكر وتقدير لزوجتي العزيزة على دعمها
ومساندتها لي في كتابة أول حروف لي على الورق
وإخراج هذه الرؤية إلى النور كي تصل إلى كل من
يحتاجها لتكون الشعلة التي تضيء له الطريق .

أتمنى أن يكون قلبي مؤثراً .

عبدالعال نجيت

إهداء

إلى كل طيب أصبح قَسَم الطيب بالنسبه له جملة
يحرك بها لسانه ولا يدركها بقلبه فغفل عن خالقه
وأيقظ مطامعه فتحول من طيب إلى تاجر .

شكر

إلى كل طيب قَسَم الطيب بالنسبه له عهد مع
الله قبل أن يكون مع الناس ومسئولية يُدرك قيمتها
ويعرف أن القسم ميثاق شرف وعهد وواجب و أمانة .

مقدمة

لماذا انحدرت أخلاق بعض الأطباء في هذا
العصر؟

يتعامل كل خريجي كليات الطب بمختلف
مجالاتها في الأونة الأخيرة مع قسم الطبيب على
أنه شيء روتيني ضمن مسوغات التعيين أو مثل
أي مُستخرج يرفق بملف مستندانه وضاعت القيمة
الحقيقية للقسم التي تعتبر من أهم أبجديات ممارسة
مهنة الطب .

قسم الطبيب الذي يُعد عهداً أمام الله وميثاق
شرف ودستور حياة الطبيب طوال عمره كقسم
أبقراط وقسم الطبيب الذي يشمل كل مقومات
الطبيب، حقوقه وواجباته وعهده وقانون حياته .

بكل أسف تم اختزال كل ذلك بقسم الطبيب
بنقابة الأطباء ولا يدرك أحد أن العبرة من القسم هو
تلاوة كلمات واعية ثقيلة المعني مهية توقظ الضمير
والأذهان وتغرس في أعماق قلب كل من يتلوها
لتصبح ضميرا منفردا ناصحا وحكيما ومرشدا لكل
من يغفل قلبه عن مسؤوليته ويسعى لاستغلال مهنته
للكسب فقط دون مراعاة لحقوق المرضى وأرواحهم .

ولهذا نريد أن نعرف لماذا لم يعد أطباء هذا الوقت
لا يتلون قسم أبقراط وقسم الطبيب
واكتفوا فقط بقسم الطبيب في النقابة .

عزيزى القاريء لكي تعرف الفرق أطرح عليك
مراحل إختزال قسم الطبيب :

قسم أبقراط

أقسم بالإله الطبيب، واهب الصحة والشفاء،
على أنه على قدر استطاعتي وتقديري سأتمسك بهذا
القسم وهذا الميثاق .

بأن أرى المعلم في هذه الصناعة بمنزلة آبائي وأن أقاسمه ما أمتلك حينما يكون في حاجة إلى ذلك، وأن أرى أبناءه بمنزلة إخوتي، وأن أعلمهم هذه الصناعة إن هم أرادوا ذلك، بلا أجر أو مساومة وإنه بالتعليم والمحاضرة وكل وسيلة من وسائل التثقيف، سأفضي بتلك الصناعة لأبنائي وأبناء من علموني، ولتلاميذي، وليس لأحد غيره، مرتبطاً بالميثاق والقسم على إطاعة قانون الطب، وأقصد بقدر طاقتي منفعة المرضى عما يضرهم أو يسيء إليهم، وألا أعطي دواءً قتالاً أو أشير به، أو لبوساً مسقطاً للجنين .

وأحفظ نفسي على النزاهة والطهارة، وأحافظ على السر الطبي، وألا أجري عمليات للمصابين بالخصي، وأن أترك ذلك للمتمرنين فيه، وأن أدخل البيوت لمنفعة المرضى، متجنباً كل ما يسيء إليهم وألا أخادع أو أهتك عرضاً للنساء أو الرجال أحراراً كانوا أو عبيداً ولا أفشي ما يجب أن يبقى سراً بالنسبة لما أرى وأسمع من الناس، سواء ذلك ما يتصل بمهنتي أو ما يخرج عنها، وما دمت مبقياً على هذا العهد فلا أستمع بالحياة، ولأمارس مهنتي بين الناس، فإن كثرت هذا الميثاق فليكن نقيض ذلك من نصيبي .

قسم الطبيب

أقسم بالله العظيم

أن أراقب الله في مهتي.....

وأن أصون حياة الإنسان في كافة أدوارها . في كل الظروف والأحوال باذلاً وسعي في استنقاذها من الهلاك والمرض والألم والقلق .

وأن أحفظ للناس كرامتهم، وأستر عورتهم، وأكتم سرهم .

وأن أكون على الدوام من وسائل رحمة الله، باذلاً رعايتي الطبية للقريب والبعيد، للصالح والخاطئ، والصديق والعدو .

وأن أثابر على طلب العلم، أسخره لنفع الإنسان .. لا لأذاه .

وأن أوقر من علمني، وأعلم من يصْغُرني، وأكون أخاً لكل زميل في المهنة الطبية متعاونين على البر والتقوى .

وأن تكون حياتي مصداق إيماني في سري وعلايتي،
نقيةً مما يشينها تجاه الله ورسوله والمؤمنين .

والله على ما أقول شهيد .

قسم الطبيب في نقابة الأطباء

أقسم بالله العظيم أن أكون مخلصاً للملك والوطن
وأن أؤدي أعمالي بأمانة وشرف

وأن أحافظ على سر المهنة وأن أحترم القوانين
والأنظمة المتعلقة بها .

و بعد عرض مراحل إختزال قسم الطبيب .

لكي تتخيل الآن الطبيب اليوم وهو يقسم للملك
في عصر انتهت فيه الملكية

منذ أكثر من ستون عاما!!

و أكاد أجزم أن بعض الأطباء اليوم لا تذهب إلى
النقابة لتقول حتى هذا الذي يُسمى قسم .

عبد العال بجيت

اللحظة الأولى

من

لحظة موت ملاك الرحمة

عبرت سيدة في العقد الرابع من عمرها الطريق ترتدي ملابس بالية قديمة وتمسك في يدها طفل في السادسة من عمره، ووجهه منتفخ من البكاء و يرتدي ملابس جميلة لا تتناسب مع ملابسها ودخلت منزل ودقت جرس الدور الأرضي وفتح لها شاب في الثلاثين من عمره، وقال لها اتفضلي يا أم كوثر .

دخلت أم كوثر وأعطت الطفل للشاب، وقالت خد البضاعة أهني .

أخذ الشاب الطفل ودخل به حجرة أخرى بيها شاب آخر وترك الطفل معه وأخذ خمسه آلاف جنيه من دولاب الحجرة، وخرج وأعطاها لأم كوثر،

وقال لها لا تأتي إلا عندما أتصل بك، ماشي سلام .

قالت أم كوثر سلام يا أبو الدكاترة ...

خرجت أم كوثر من الشقة وفي نفس اللحظة ارتسمت على وجهه

الشاب ابتسامة شيطانية

قبل ستة أشهر

تخرَّج عادل من كلية الطب قسم جراحة وعَمِلَ
في مستشفى حكومي صغير تحت التمرين .

لكن طموحه كان أكبر منه وكان ينظر إلى كبار
الجراحين ويتمنى أن يكون مثلهم ويكون له اسم
كبير وعيادة كبيرة في مكان راقٍ وله مرضى يأتون من
كل مكان له ولأسمه المشهور ..

لكن لم يكن عنده صبر ليكبر اسمه مع مرور
الوقت والخبرة، كان يريد تحقيق كل شيء في وقت
قليل وسنه صغير

ولأنه من أسرة متوسطة الحال لا يملك المال
لتحقيق حلمه في امتلاك عيادة خاصة به .

ومع مرور الوقت وحلمه أمام عينه دائما وفي
أثناء فترة الاستراحة في

المستشفى قرأ على الفيس بوك في الهاتف خبرَ
القبض على شبكة أطباء بتهمة التجارة في الأعضاء
البشرية، وكان معهم ملايين الدولارات والجنهات

في إيه . معقول يكون عاوزني أشتغل في واحدة من سلسلة المستشفيات اللي عنده ويرد على نفسه إزاي، ده أنا لسه متخرج من كام شهر وتعبت على ما شوفت الشغلانه دي .

ومضت الدقائق كأنها أيام على عادل حتي حانت الساعة العاشرة و أتصل بنظيف بيه .

عادل : صباح الخير نظيف بيه أنا عادل الي حضرتك قابلتني في المستشفى إمبراح وقلت لي أتصل بحضرتك .

نظيف : أيوه أيوه اسمك عادل .

عادل : خدامك عادل يا بيه .

نظيف : ماشي بص يا عادل عاوزك في شغل .

عادل : تحت أمرك يا بيه .

نظيف : خلاص أقابلك الساعة خمسة في الفيلا بتاعتي الي في أول طريق المنصورية . بس أهم حاجة مفيش حد يعرف إنك هتشتغل معايا أو هتشوفني لغاية لما نتفق تمام يا عادل .

عادل : تمام يا نظيف بيه الساعة خمسة بالدقيقة
أكون عند حضرتك.

نظيف : سلام .

أغلق عادل التلفون وأخذ يفكر معقول هشتغل
في مستشفيات نظيف بيه، طيب ليه السرية الي في
الموضوع دى . وإلا زي ما قال لما نتفق الأول . أكيد
هو يقصد لما نتفق الأول هو مفيش غير كده .

ومرت الساعات وعادل بيجهز أفضل وأشيك
ملا بس عنده ويستعد لموعده وفرصة عمره التي لا
يريدها أن تضيع منه ويقول لنفسه سأقبل بأي شروط
يطلبها نظيف بيه في سبيل العمل في مستشفى له .

في الساعة الخامسة بالضبط كان عادل يرن جرس
الفيلا ويقول للبواب عندي ميعاد مع نظيف بيه .
قوله الدكتور عادل . البواب يفتح الباب وهو يقول
له اتفضل البية في انتظارك .

يتصل البواب بالخدم داخل الفيلا حتي يبلغوا
نظيف بيه ويفتحوا الباب لعادل .

يدخل عادل ويمشي في ممر نحو باب الفيلا الذي عندما اقترب منه افتتح، وظهرت منه سيدة في منتصف العمر وتقول له اتفضل البيه في انتظارك في حجرة المكتب .

دخل عادل حجرة المكتب ووجد نظيف بيه في انتظاره ويقول له اتفضل يا دكتور عادل في الأول تحب تشرب إيه .

عادل : قهوة مطبوط .

نظيف : للخادمة اتنين قهوة مطبوط .

نظيف : أهلا وسهلا بيك عامل إيه .

عادل : الحمد لله .

نظيف : إنت شغال في المستشفى دي من امتي .

عادل : من شهرين ومتخرج من سته شهور .

نظيف : وطموحك إيه في مكانك ده .

عادل : المكان الي أنا فيه مفيش فيه طموح، بس هي خطوة لغايه لما آلاقي شغل في مكان محترم

تحت إيد دكتور زي حضرتك، أو مستشفى كبيرة
ليها سمعه زي مستشفيات حضرتك .

نظيف : وأحلامك وطموحك إيه ثاني .

عادل : حلمي إني أكون دكتور كبير وأسمي
معروف وعندي عيادة كبيرة وليا مرضى كثير
يتعالجوا عندي وأشتري فيلا صغيرة .

نظيف : وأحلامك وطموحك دي قدامك كام سنه
علشان تحققها .

وده ولا ٥٠ سنه .

عادل في حزن يجيب : فعلا .

نظيف : طيب لو قولتك تقدر تعمل ده كله في
سنه وإلا اتنين .

عادل في ذهول : إزاي .

نظيف : قبل ما أقولك إزاي عايز أعرف كنت
بتضحك ليه وانت بتقرا خبر القبض على شبكة
سرقة الأعضاء اللي اتقبض عليها .

عادل : لأنهم كانوا يقدرُوا يعملُوا حاجات كثير
لا تلفت النظر إليهم، فكنت بضحك من غبائهم
بس .

نظيف : يعني لو انت مكانهم تعرف تحافظ على
نفسك ومفيش حد
يعرف إنت بتعمل إيه .

عادل : ده على حسب حضرتك بتسأل ليه .

نظيف : علشان تحقق أحلامك و طموحك في أقل
وقت مفيش قدامك غير تجارة الأعضاء البشرية .

ارتسمت الدهشة على وجه عادل وهو يقول
تجارة الأعضاء وصمت لحظة وأكمل قائلاً : أنا
كنت فاكِر أني هشتغل عندك .

صوت خبطة على الباب ونظيف يقول ادخل،
ودخلت الخادمة بالقهوة و خرجت وأغلقت الباب .

نظيف : وأنت كنت فاكِر إنني لما هشغل متخرج
جديد هياخد مرتب كام يعني، وكنت هتحقق
أحلامك و طموحك بمرتبك بس .

وابتسم بتعجب .

عادل : يعني مفيش غير تجارة الأعضاء علشان الواحد يبقى معاه فلوس ويحقق أحلامه وطموحه في البلد دي .

نظيف : لا في تجارة السلاح والمخدرات ودول مش سكتك أو يبقى معاك عمارة ملك أو ورث وده مش باين عليك، بدون إهانة .

عادل : يعني الواحد يشتغل في اللي يعرفه وسؤالي لحضرتك: هو الأمر طورية اللي انت فيها من تجارة الأعضاء ؟.

نظيف : طبعاً والشبكة اللي اتقبض عليها من يومين أنا رئيسها .

عادل مذهول : أنا مش مصدق نفسي !!

نظيف : أنا عارف إنك مش مصدق إني بجوابك وبعترف قدامك، بس لازم تعرف مفيش دليل عليا خالص وهاتهمك بالتشهير وزيادة على كده هاوصي عليك أن مفيش حد يشغلك عنده .

عادل : لا حضرتك فهمتني غلط أنا لا يمكن
أفتح بقى بالسر اللي بنا حتى لو لم نتفق .

أنا بس مستغرب علشان الظاهر إن مفيش طريق
غير كده علشان الواحد يحقق أحلامه وطموحه بس
إزاي .

نظيف : بعد الشبكة اللي أتقبض عليها من يومين
محتاج حد يكمل

معايا وأنا ملاحظ إنك ذكي وعندك أفكار ذكية
. وعلشان أطمئنك اشتغل سنه ولو حيت تبطل
تبلغني علشان أعمل حسابي .

وأكمل نظيف قائلاً : أهم شرط أن مفيش حد
يعرف حاجة عني وإلا نهايتك هتبقى على إيدي .

عادل : أولاً سرك في بير علشان إحنا حياتنا
مربوطة مع بعض .

ثانياً : سنه مش كفاية بس أول لما أجمع الفلوس
الي عاوزها هأتفق

معاك وأبطل .

ثالثا : علشان نلعب بذكاء محتاج منك فلوس
تحت الحساب للتجهيز .

نظيف : تجهيز إيه بالظبط .

عادل : تجهيز الشغل أهم من الشغل تخطيط
الشغل ، يعني علشان

نبقى في أمان في خطوات لازم أعملها الأول .

نظيف : خطوات إيه .

عادل : أقولك

١ . محتاج دكتور يعرف حقن البنج وحالو امن
حالي وده موجود من الدفعة بتاعتي وتجنيد
عليابعيد عنك خالص وهو غلبان ومش يفكر
نهائي والعملية دي محتاجة دماغ واحدة .

٢ . عاوز شقة إيجار جديد في حته هادية .

٣ . عاوز عبوات حفظ الأعضاء زي بتوع
معامل التحاليل بس الأحداث ودي موجودة
بره مصر وتيجي عن طريق شحن على
عنوان معمل شغال، في واحد صاحبي،

- واستلم من على الباب بدون علم المعمل .
- ٤ . أتفق مع تربي واشتري تربة وأقوله إن في أطفال
في مستشفى سرطان الأطفال أيتام ومشردين لما
يتوفوا عاوز أدفن من غير تصريح ؛ لأنهم ليس
لهم عائلة أو شهادة ميلاد وده بيتكرر على طول
ويشوف كمان ترب صدقة لو في حالات وفاة
قريبة من بعض وكله بثمانه علشان لورمينا
جثث في الشارع هنتكشف .
- ٥ . عليك أنت حاول تخف الحالات الي عندك
وتخلي في مسافة معقولة في الفترة القادمة .
- ٦ . أتفق مع متسولة أن لما أحياج طفل أتصل بيها
تجيب واحد وتاخذ مبلغ محترم وتمشي .
- ٧ . محتاج سيارة صغيرة علشان نقل عبوات الأعضاء
إليك وأيضاً لنقل الجثث إلى التربي .
- ٨ . محتاج عدة و ٢ سرير وشوية مستلزمات طبية .
- نظيف مذهولاً : يا ابن الشياطين .
- عادل مبتسماً : لو وافقت نبتدي من بكرة، بس
زي ما قلت عاوز مبلغ محترم أجهز بيه الشغل .

نظيف : تمام أنا موافق . وأخرج دفتر الشيكات
من جيب البدلة، و أكمل قائلاً وده شيك ب ١٥٠
ألف تحت الحساب .

أخذ عادل الشيك ولمعت عينه من الفرح وثنى
الشيك ووضعاه في جيب قميصه .

عادل : تمام لما أخلص تجهيز الشغل هاتصل بـيك
تمام .

نظيف : تمام شكلنا هنفضل مع بعض على طول .
نهض عادل واقفا ومدّ يده إلى نظيف قائلاً .

لما أوصل حلمي هبطل . مع السلامة

نظيف : مع السلامة .

وخرج عادل من حجرة المكتب

و أكمل نظيف قائلاً : نظرة الجشع اللي في عينك
هتخليك تشتغل معايا طول عمرك .

وارتسمت على شفّتيه ابتسامة شيطانية .

خرج عادل من فيلا نظيف بيه ومشى قليلاً
حتى أتى تاكسي وركب حتى منزله وصعد إلى شقته

وجلس على الكرسي وسرح في اتفاهه مع نظيف بيه ولكي يحققه لابد من السرعة في التنفيذ وأمسك تليفونه واتصل بزمله أمين وطلب مقابلته ضروري وتم تحديد موعد وعرض عادل فكرة الاتجار في الأعضاء البشرية وحديثه مع صاحب الفكرة بدون ذكر اسمه وظروف العملية كلها وشرط السرية وبعد مناقشة كل الجوانب المتعلقة أعلن أمين موافقته على الاشتراك مع عادل .

أمين : أنا موافق .

عادل : بس في شروط تانية .

أمين : مش هي الشروط مع الراجل الكبير .

عادل : لا دي شروط تانية بيني وبينك بس علشان الأمان وازاي نحافظ على نفسنا .

أمين : لو علشان الأمان لينا، قول شروطك .

عادل : بص يا سيدي

١ . لما نحقق أحلامنا ويقي معانا فلوس كتير نبطل ونعيش عادي زي الناس .

٢. الوقت الي نبقي في الشقة بس هو الوقت الي نعرف فيه بعض بره الشقة كل واحد مالوش دعوة بالتاني علشان مفيش حاجه تربطنا مع بعض .

٣. كل الي بينا إننا زملاء مهنة فقط .

٤. حياة كل واحد مننا خاصة به مفيش حد مننا يعرف حاجة عن التاني .

٥. نقفل التلفزيونات ساعة العملية علشان التشتيت

وكمان نلحق نخلص بسرعة .

في الأول هنروح ثلاث مشاوير مع بعض علشان كل واحد يعرف يعمل له لواحد لو حكمت الظروف .

أمين : تمام بس إيه هي المشاوير دي .

عادل : نشوف سمسار ونختار شقة، ونتفق مع تربى ونشتري مقبرة ونقوله على تربة أو اتنين صدقة علشان ندفن من غير تصريح وياخذ الي عاوزه .

ونتفق مع متسولة على الأطفال ونقول لها أنهم للتجارب بس وطول مفيش جثث في الشارع مش هتشك فينا خالص .

أمين : أنت كده عامل حساب كل حاجة ومأمنا
من كل ناحية . بس عندي سؤال

عادل : اتفضل اسأل علشان نبتدي .

أمين : في شروطك إننا لما نبدأ مفيش حد يعرف
التاني وفي نفس الوقت المشاوير التلاته نعملهم مع
بعض .

عادل مبتسماً : علشان لو صاحب الشقة جه
ياخد الإيجار وأنا أو انت في الشقة أو شافك وانت
داخل للشقة يبقى عرفنا احنا الاتنين .

و المتسولة لو جابت الأطفال أي حد يستلموا
عادي وتاخذ عمولتها و التربى برضوا أي حد
يروحلوا يعطيه اللفة والفلوس .

و كله حسب الظروف بس غالباً في كل الأوقات
إحنا مع بعض ويكمل الشيطان داخل عادل كلامه
في أفكاره ويقول و برضوا لو حصل غلطة منك
ووقعنا يبقى مع بعض .

أمين : كده كله ميه ميه، تحب نبدأ بإيه .

عادل : أول حاجة بكرة الصبح نشري عربية .

أمين : تمام علشان المشاوير وبعدين نروح فين .

عادل : الشقة في الأول .

أمين : في منطقة معينة في خيالك .

عادل : المعادي علشان هادية وأي حته قريبة من ميدان الجزائر .

أمين : ماشي يلا بينا على المعادي .

بحث عادل و أمين عن السمسار المسئول عن الشقق الإيجار في المنطقة حتى وجدوا عم سيد الصعيدي السمسار يجلس على قهوة صغيرة .

عادل : السلام عليكم يا عم سيد

عم سيد : وعليكم السلام يا أساتذة .

أمين : عاوزين تشوف لنا شقه صغيرة حجرتين وصالة للإيجار و تكون مش محتاجة توضيب .

عادل : أهم حاجة تكون في مكان هادئ علشان الساعتين اللي الواحد هينام فيهم كل كام يوم يا عم سيد .

عم سيد : ساعتين كل يوم ... ليه هو أنتم
شغالين إيه يا باشاوات .

أمين : لسه متخرجين من طب يا عم سيد،
دكتور تحت التمرين يعني .

عادل : وانت عارف يا عم سيد في الأول
نبطشيات وسهر بالليل والنهار علشان الواحد يثبت
نفسه في الشغل .

أمين : يعني صاحب الشقة فين وفين على ما
يشوفنا في الشقة و البيت هيفضل هادي زي ما هو .

عادل : علشان كده يا عم سيد عاوزين حاجة
قانون جديد خمس سنين ،

وهدفع كل سنه مقدم مع فلوس السلم والزبالة
والكهرباء والمياه مبلغ كده تحت الحساب .

عم سيد : الله يقويكم .. تمام فهمت طلبكم
عندي شقة في الدور الأرضي زي ما أنتو عاوزين
بالظبط قرية من ميدان الجزائر بعد البنزينه بشوية .

يلا بينا نشوفها دلوقتي ذهب عادل وأمين مع
عم سيد السمسار لمقابلة الحاج رأفت صاحب

البيت علشان يشوفوا الشقة . وتم الاتفاق مع صاحب البيت

وأخذوا مفتاح الشقة خرج عادل وأمين من الشقة بعد إمضاء العقد مع الحاج رأفت وركبوا السيارة وتحدث أمين قائلاً :

أمين : الحمد لله أول خطوة تمت بنجاح .

إيه بقي الخطوة الثانية .

عادل : نطلع على ترب البساتين .

أمين : تمام يا رب سهل الأمور .

مرت لحظات صمت عليهم حتى أفاق أمين على صوت عادل وهو يقول وصلنا .

نزلوا من السيارة وعيونهم تجوب المكان بحثاً عن أي شخص حتى رأوا دخان خفيف يتصاعد من خلف تربة جانبية .

فاتجهوا ناحيتها ورأوا رجل قد تجاوز الخمسين من العمر يجلس على الرمل

و أمامه بعض قطع الخشب المشتعلة وعليها براد
شاي وهو يصفر بصوت خفيف أوقفه صوت يقول .
أمين : السلام عليكم .

التربي : وعليكم السلام ورحمة الله وبركاته .
اتفضلوا شاي يا بهوات .

عادل : ألف شكر يا حاج دايماً عامر
التربي : أي خدمة .

أمين : في الأول اسم الكريم إيه .
التربي : محسوبك يحيى التربي .

أمين : عاشت الأسامي يا عم يحيى .
يحيى : تسلم يا أستاذ تحت أمرك .

أمين : في عندنا مصلحة حلوة ومكسبها عال
العال يا عم يحيى .

عادل : لا وفيها ثواب كبير كمان .

يحيى : ثواب إيه يا أستاذ . عاوز أفهم في إيه
بالظبط .

عادل : بص يا عم يحيى إحنا دكاترة في مستشفى
لعلاج سرطان الأطفال
وفي عندنا مشكلة .

يحيى : مشكلة إيه خير يا دكتور لا مؤخذه
اسمك إيه .

عادل : اسمي عادل وده أمين . المهم يا عم يحيى
المشكلة الي عندنا في

أطفال بتموت كل شوية وأهليهم في الصعيد .

يحيى : لا حول ولا قوة إلا بالله .

أمين : أهل الأطفال دول لما يشوفوا مصاري
السفر ما يروحوش المستشفى أصلاً لغايه لما تلاجة
المستشفى بقت على آخرها .

عادل : راح مدير المستشفى طلب من وزير
الصحة تصريح دفن جماعي

في سرية وبعدها الوزير قال بعد كده اتصرف
انت .

يحيى : خلاص مفيش رحمة بين الناس . وبعدين حصل إيه .

أمين : مدير المستشفى طلب مننا نحل مشكلة التصريح والدفن وخصص

جزء من التبرعات علشان مصاريف الدفن .

يحيى : لغايه دلوقتي أنا مش عارف إيه المطلوب مني يا دكاترة .

عادل : يا عم يحيى المطلوب تشوف لينا كام تربة اللي معموله مدافن صدقة ندفع ليك إيجار شهري ليها وكل دفنه تاخد مصاريفها بس لازم تعرف في أوقات كتير مفيش تصريح دفن .

يحيى : طيب ليه ماتشتري مدفن من بابہ ليكم .

أمين : مينفعش يبقى في مدافن باسم المستشفى أو أسماء حد شغال في المستشفى وبعدين الموضوع المفروض يبقى سري علشان اسم المستشفى والرأي العام لأننا مسؤولين عن العلاج بس وبنعمل كده ثواب في الأطفال يا عم يحيى .

يحيى : آه فهمت ليه بقي عاوزين كذا تربة .

تجهز المدفن الي عليه الدور أعطاهم يحيي رقم
التليفون المحمول .

و غادروا المقابر بالسيارة وأثناء سيرهما بدأ أمين
الحديث .

أمين : هنعمل إيه في موضوع تصريح الدفن الي
قولت عليه ليحيى التربي .

عادل : مفيش مشكلة خالص أنا أو أنت و احنا في
المستشفى و تحصل حالة وفاة وعازين مدفن صدقة
تقول عندي مدفن وتتصل بيحيى التربي ويروحله
بالتصريح وتقوله حساب الدفنة دي عندي، عمري
ما هيسأل على تصاريح معانا تاني .

أمين : أظن كده تمام قوي يا أبو الدماغ الذرية .

عادل : مش للدرجة دي .

أمين : بطل تواضع هو أنا كنت أعرف أعمل
١٠٪ بس من كل ده .

الخطوة الجاية إيه .

عادل : نشوف واحدة متسولة وبعدين نبدأ
الشغل .

وغادروا للبحث عن متسولة في منطقة أخرى .

بعد اللف بالسيارة عثروا على سيدة في العقد
الخامس من عمرها تتسول في منطقة البساتين .

ركن عادل السيارة جانبا ونزل هو وأمين و
أعطاهما بعض المال وبدء

يتجاذب معها أطراف الحديث عن أحوالها وما
تحتاجه وسألها عن اسمها

وقالت اسمي نادية أو أم كوثر وأكمل عادل
وأمين الحديث معها .

أمين : تحبي تكسي ٥٠٠٠ آلاف جينه

أم كوثر مستغربة : خمس آلاف حته واحدة .

عادل : أيوه .. تحبي تشتغلي معانا في الأبحاث
الطبية يا أم كوثر .

أم كوثر : أبحاث طبية إزاي يا باشا .

أمين : يعني تجارب علشان نكتشف علاجات
جديدة للأمراض

الموجودة حولينا

أم كوثر : وأنا هعمل إيه في حكاية الأمراض
دي.... إنت عاوز تجرب

عليا يا بيه حرام عليك أنا ست كبيرة .

عادل : لا يا أم كوثر في حد يعمل كده في ست
كبيرة برضه . إحنا كل لما نخلص بحث نكلمك
وتجبلنا أي طفل متشرد من الشارع مالوش أهل
نجرب عليه .

أم كوثر : عاوزني أخطف عيال وتقتلوهم يا
سفاحين .

أمين : نقتل إيه يا ست بقولك نجرب عليه
وعموما علشان متخفيش بعد تجربة العلاج هنحطه
في أي ملجأ للأطفال .

عادل : وعلشان تصدقي هتيجي معانا واحنا
رايحين الملجأ .

أم كوثر : آه إذا كان كده ماشي وهنبداً إمتي بقي يا
دكتور .

أمين : معاكي محمول يا أم كوثر .

أم كوثر : لا منين اللي جاي على قد اللي رايح .

عادل : خلاص هنشتري ليكي تليفون وبكرة
تكوني هنا في نفس المكان ده

و معاك خط تليفون ونركبه في العدة وهنتصل
بيكي بعد كام يوم يكون البحث الأول خلص ماشي
يا أم كوثر متفقين .

أم كوثر : ماشي يا دكتور متفقين بكرة في نفس
الميعاد .

وغادر عادل وأمين بالسيارة باتجاه شارع القصر
العيني لشراء بعض المستلزمات الطبية وتحديثا
بالسيارة .

أمين : هو احنا هنروح بالعيال الملجأ إزاي بس
يا عادل كده أدبسنا مع أم كوثر بالملجأ ده .

عادل ضاحكاً : ههه هههه بس يا سيدي بكرة
لما أم كوثر تاخذ التليفون بعدها بيومين نكلمها .
وبعدها هقولك نعمل إيه .

في اليوم التالي ذهب أمين لشراء تليفون محمول
وقابل أم كوثر في نفس المكان وأخذ منها خط

التليفون و سجل رقمه هو وعادل و رن على نفسه
وسجل رقمها وغادر .

ذهب إلى الشقة لتجهيزها مع عادل وبعد ساعتين
ذهب عادل إلى شركة الشحن السريع
لاستلام عبوات حفظ الأعضاء .

بعد يومين اتصل عادل بأم كوثر وطلب طفلا .

بعد ثلاثة ساعات ذهبت إلى الشقة ومعها طفل
متشرد من الشارع . أعطاه أمين خمسة آلاف وقال
لها عادل بكرة في نفس الميعاد هنعدي عليكى .

أمين : هنعمل إيه دلوقتى

عادل : هيفضل معانا سواد الليل ياكل شيكولاته
وأي حلويات و تديلوا حقنة فيتامين وبعدها منوم
لتانى يوم لما يفوق نروح ناخد أم كوثر ونروح
لأي جمعية خيرية أو دار أيتام ونديهم العيل ومعاه
ألف جنيه تبرع منا ونقول لهم إننا لاقينا الطفل ده
في الشارع، ولازم أم كوثر تكون في العريية لما ننزل
نديهم العيل .

أمين : ليه بقى هي تفضل في العريية .

عادل : علشان لو شافوا لبسها وشكلها أكيد
هيقولوا إنها خطفتوا .

أمين ضاحكا : ههههه وكنا روحنا بلاش قبل ما
نبدأ ههههههه .

و ضحك عادل على كلام أمين الذي أكمل قائلا .

أمين : طيب يا عم جميس بوند عندي سؤالين .

عادل : جميس بوند مرة واحدة . اسأل يا سيدي

أمين : ليه ادينا العيل حقنة فيتامين قبل لما يشم
البنج .

عادل : علشان لو أم كوثر سألت العيل في العربية
عملوا معاك إيه يقول خدت حقنه واداني شيكولاته
وكيك وتضمن إننا فعلا بنعمل بحث وتجارب علاج
ومتجيش معانا مرة تاني .

أمين : آه كده فهمت

عادل : أخيرا فهمت .

أمين : السؤال الثاني ليه بقى إدينا مشرفة الدار
ألف جنيه تبرع مش كنا سيبنا الواد وميشينا .

وقفت السيارة أمام الجمعية الخيرية ونزلوا منها
وطلب أمين من أم كوثر البقاء في العربية .

وسلموا الطفل والتبرع وذهبوا لتوصيل أم كوثر
بعد أن اطمأنت من كلامهم عن الأبحاث خصوصا
بعد أن رأت المعدات الطبية في الشقة .

رجع عادل و أمين إلى الشقة وتمت تهيئته المكان
للعمل واتفقا على اللقاء بعد أسبوع عندما علم من
نظيف بيه بمعياد العملية القادمة .

ومر الأسبوع سريعا واتصل عادل بأم كوثر
وأحضرت له طفلا صغيرا واتصل أمين بعم يحيى
لتجهيز تربة غداً .

وتمت أول عملية لهم بنجاح لاكتمال أركانها كما
خطط عادل بالضبط .

ومرت الأيام والشهور

تعلم عادل من أمين كيفية إعطاء حقن البنج،
وتعلم أمين من عادل الجراحة .

وتمت عمليات كثيرة وازداد ثرائهم واشتري
عادل فيلا صغيرة على أطراف المعادى وتزوج

واشتري شقة وبدأ في تجهيزها لتكون عيادة فخمة .
لكن أمين اشترى شقة كبيرة في شارع فلسطين،
وسيارة وتزوج .

ومرت السنوات ولم يتدخل أحد في شؤون الآخر
مثلما اتفقا ولم يعلم كلاهما أي شيء عن الآخر، وكانت
الشقة تعتبر مكان لقاءهم الوحيد وبعد انتهاء الوقت
يذهب عادل إلى نظيف يبه بعبوات الأعضاء ويذهب
أمين إلى عم يحيى التربي

اللحظة الأخيرة

من

لحظة موت ملاك الرحمة

في صباح أحد الأيام استيقظ عادل ودار في رأسه فكره أنه ربما حان الوقت لإبلاغ نظيف بيه أنه هذه السنة ستكون آخر سنة يقوم بهذا العمل ولكي يستعد ليجد شخصا آخر .

و أفاق عادل على رنين هاتفه وصوت نظيف بيه يقول .

نظيف : عادل اصحى يا عادل عاوزك إنت وصحبك في عملية بسرعة وفيها أضعاف المبلغ اللي فات .

انتبه عادل لكلام نظيف عن الفلوس الكثير وقال لنفسه يأجل الكلام عن أنه

عاوز يسبب الشغل معاه وإنها تبقي العملية اللي هجيب بيها أجهزة العيادة مرة واحدة .

نظيف : أصحى يا عادل رد عليا .

عادل : أيوة أنا معاك يا بيه معاك، عملية إيه الكبيرة والمهمة دي .

نظيف : في رجل أعمال كبير قوي تقدر تقول إنه رقم واحد في مصر مراته

وولاده الاثنين وهما راجعين من الساحل الشمالى
عملوا حادثة كبيرة من ساعة واحدة، والأولاد
حصل لهم تهتك كبير في الجهاز الهضمي والمرة دي
محتاج منك بسرعة أعضاء طفلين، خلاص يا عادل
طفلين بسرعة .

عادل : خلاص ماشي يا نظيف بيه .

نظيف : منتظر تليفونك بسرعة . سلام .

سرح عادل في كمية الفلوس الكثير الي جايه
وشرائه الأجهزة الطبية للعيادة .

فأمسك تليفونه واتصل بأمين وقاله على العملية
المستعجلة وإنه منتظره في الشقة

وأقفل معاه واتصل بأم كوثر وطلب منها طفلين
بسرعة وهتاخذ ضعف المبلغ بتاع كل مرة .

ذهب عادل إلى الشقة ووجد أمين في إنتظاره وبدأ
في تجهيز الغرفتين

و انتظار أم كوثر .

في هذه الأثناء اتصلت على عصام المتزوجة منه
عرفي وطلبت منه

إحضار أي طفل متشرد من الشارع عشان بحث
طبي وذهبت للبحث
في الشوارع عن طفل آخر.

بعد فترة من البحث لاحظت أن المنطقة أصبحت
خالية من الأطفال المتشردين و التائهين فاتجهت إلى
أطراف المعادى وأثناء سيرها رأأت طفلا صغيرا يلهو
و يلعب .

فأكملت سيرها حتى وجدت مكتبة فاشترت
بعض البالونات و رجعت

إلى مكان الطفل ووقفت على بعد ٥٠ متر من
منزله حتى رآها الطفل

واقترب منها ليأخذ بالونة فأعطته واحدة
وأمسكت يده وسارت بعيداً

حتى ركبت سيارة ميكروباص .

وعلى الجانب الآخر كان عصام يبحث عن أي
طفل لوحده في الشارع حتى

دخل هايبر (ماركت كبير) وعثر على طفلة صغيرة تنظر إلى عروسة صغيرة لعبة فاقترب منها وقال لها عاوزاها .

فقالت له أيوة يا عمو .

فأمسك بالعروسة والطفلة واتجه نحو الكاشير ودفع سعر اللعبة وخرج مسرعاً من الهايبر .

في هذه اللحظة كانت مدام مريم تتصل بالشرطة وأبلغت عن خطف طفلها

من أمام منزلها وصورة الخاطفة مسجلة على كاميرا المراقبة .

وتزامناً في نفس اللحظة كانت مدام ساره مع أمن الهايبر يقوموا بإبلاغ الشرطة عن خطف طفلتها وكاميرا مراقبة الهايبر مسجلة صورة الخاطف .

وكانت الداخلية في دقائق معدودة مستعدة ؛ لأن هذان الحادثان بمثابة تحدي لهم .

على الطرف الآخر كان عادل في الصيدلية يقوم بشراء مطهر وبعض المستلزمات .

في نفس اللحظة كانت أم كوثر ترن على أمين
جرس الشقة وتعطي له الطفل .

وتقول له الطفل الثاني جاي حالا .

أخذ أمين الطفل إلى غرفته وأعطاه البنج وبدأ
العملية .

ذهبت أم كوثر لمقابلة زوجها عصام في ميدان
الجزائر وأخذت منه الطفل الثاني وقالت :

انتظر هنا ورجعت إلى الشقة مرة أخرى وقبل أن
ترن الجرس دخل عادل مدخل المنزل وشاهد على
كتفها طفلة نائمة، فقال لها .

عادل : إيه ده عيل واحد بس .

أم كوثر : لا يا دكتور الثاني خده دكتور أمين من
شوية .

عادل : كده تمام قوي شكراً يا أم كوثر .

أم كوثر : شكرا حاف كده فين الأساتك يا حلو .

عادل : من عينيه إنتي تستهلي .

وفتح باب الشقة وأخذ الطفلة منها ودخل
الغرفة بتاعته ووضعها على السرير وفتح الدولاب
وأخذ بعض رزم الفلوس وأعطائها لها .

عادل : دول خمسة وعشرين ألف جنية يا أم كوثر .
عشرين زي ما اتفقنا وخمسة علشان خلصت الطلب
بسرعة .

أم كوثر : ألف شكري يا بيه وأنا في الخدمة أي وقت
انت عاوزه . كفاية الخير الي عاملته في المنطقة لميت
العيال من الشوارع وحطتهم في الجمعيات الخيرية
ودور الأيتام . سلام يا بيه البهوات .

عادل : سلام يا أم كوثر .

خرجت من الشقة وأغلق عادل الباب وفتح
باب غرفة أمين قليلاً، وقال له أنا شغال في الغرفة
التانية .

من جهة أخرى كان هناك حركة غير طبيعية في
قسم المعادي ووزارة الداخلية؛ لأن هناك بلاغات
كثيرة لاختفاء أطفال من كل الأعمار، كلها مجهولة،
وكان هناك إحساساً بأن هناك صله بين حوادث
الاختفاء وحادث خطف اليوم

ولكن هذان البلاغان مهمان ؛ لأن الخطف كان من أقل من ساعة وفي نفس اللحظة تقريبا وتم تصويره بكاميرات المراقبة .

وأصدر الضابط حازم أمر بنشر صور السيدة والرجل بسرعة في كل مكان،

وعلى النت وخروج كل سيارات الشرطة للبحث عن الخاطفين .

وتم عمل غرفة عمليات سريعة واجتمع الضابط حازم مع مدام مريم وساره يرجعون أشرطة الفيديو لكاميرات المراقبة وهو يحاول تهدأتهم ويشفق على حالهم ويقول .

حازم : إن شاء الله خير وسنجدهم بخير .

ساره : هو الخطف بقى في عز الضهر عادي .

مريم : الدنيا بقى مفيش فيها أمان خلاص .

وفجأة رن هاتفه ورد بسرعة .

حازم : أيوة يا نقيب جاسر أخبار كويسة .

جاسر : خير يا فندم جالنا اتصال من شاب على
الفييس بوك إن كاميرة مراقبة المحل بتاعه صورت
الراجل الي صورته على صفحة الشرطة من نص
ساعة وهو معاه عيلة صغيرة ومشى في اتجاه ميدان
الجزائر .

حازم : تمام يا جاسر . روح على المحل ده واحنا
في الطريق إليك .

ساره ومريم في نفس واحد : في إيه .

حازم : خير في بلاغ عن رؤية أحد المجرمين،
ولازم نتحرك دلوقتي علشان نقرب أكثر من مكان
البلاغ .

وركبت مريم وساره عربية الطابط حازم . وأثناء
سيرها رن هاتفه .

حازم : أيوة يا جاسر في جديد .

جاسر : تمام يا فندم جالنا اتصال من صاحب
البنزينة في ميدان الجزائر بيقول الكاميرا صورت
واحد شبه الي في صورة الفييبوك ماشي وواقف في
الميدان بس مش معاه الطفلة .

حازم : خليه تحت نظرك بس لا تقترب منه وأنا
دقائق معدودة وأكون عندك .

ساره ومريم : في أمل نلحق ولادنا .

حازم : إن شاء الله إحنا قربنا قوي بس الصبر .

ساره ومريم : يارب يا لطيف .

وصلت سيارة الضابط حازم إلى ميدان الجزائر،
ورأى المجرم يقف منتظرا لأحد فأكمل القيادة،
ودخل البنزينة وعرف نفسه لصالح صاحب المكان،
وطلب رؤية كاميرات المراقبة واصطحبهم صالح إلى
غرفة مكتبة لرؤية الفيديو وطلب حازم من صالح
عرض تصوير الفيديو لساعة ماضية .

جلس حازم وساره و مريم يشاهدون فيديو
المراقبة حتى رأت مريم

صورة أم كوثر تسير أمام البنزينة وتحمل ابنها
فصرخت .

مريم : ابني هي دي المجرمة الي خطفت ابني
وهو على كتفها أهو .

حازم : متأكدة .

مريم : أيوة متأكدة . ابني على كتفها أهو ولا بس
الترنج الي اتخطف بيه .

حازم : تمام .

دقائق ومرت تاني رجعة بس بدون الطفل ، وبعد
خمس دقائق مرت تاني بس هذه المرة كانت تحمل
طفلة . فصرخت هذه المرة ساره .

ساره : بنتي بنتي بنتي أأأأأأه بنتي .

حازم : معقولة متأكدة مش بتك الي خطفها
راجل .

ساره : دي بنتي أنا متأكدة كويس .

حازم : لازم دول عصابة متخصصة في خطف
الأطفال .

يغلق حازم شريط المراقبة وترجع الكاميرات
لتصوير من جديد .

يتصل حازم بجاسر ويسأل الراجل في مكانه
ويجييه بنعم .

وفي لحظة حديثه تمر المجرمة من أمام البنزينة في

اتجاه ميدان الجزائر فيقول حازم لجاسر اطلب من القوة الي معاك أول لما الست توصل إلى الراجل حاصروهم، وأنا وراهم وقال لمريم وساره استنوا هنا دقيقه واحده وخرج مسرعاً من غرفة مكتب صالح .

ومشي خلف أم كوثر حتى وصلت إلى عصام و تبسم له وتقوله وشك حلو عليا .

وفي لحظات تمت محاصرة الميدان من كل مكان . و حازم من خلفها يقول .

حازم : سلموا انفسكوا المكان محاصر .

ارتسم الذعر والهلع على وجه أم كوثر وقالت .

أم كوثر : في إيه يا باشا أنا عملت إيه .

حازم : عملت مصيبة خطفت طفلين النهاردة .

جاسر : انت ياه شكلك مش غريب عليا .

عصام : تمام يا باشا . انا اتسجنت ٣ مرات سرقة شقق يا باشا .

جاسر : عصام الطاير

حازم : سوابق يعني . وانتي .

أم كوثر : لا يا باشا الورقة بتاعتي لسه بيضا يا
باشا .

في تلك اللحظة كانت مريم و ساره تجريان عليهم
و حاولوا الهجوم على المجرمين، لكن العساكر وقفت
لهما فصرخوا فين ولادنا يا مجرمين .

حازم : اهدوا دقيقة . فين العيال اللي خطفتهم .

أم كوثر : في اتنين دكاترة بيعملوا أبحاث على
الأطفال وبعدين بيودوهم
ملجأ أو دار أيتام يا باشا .

جاسر : أبحاث إيه دي اللي على الأطفال بس .

أم كوثر : معرفش هما قالوا أبحاث علشان علاج
جديد .

حازم : علاج جديد إيه . المهم فين مكانهم بقى
دكاترة الأبحاث دي .

عصام : معرفش يا باشا أنا أول مرة اشتغل
معاها .

جاسر : أول مرة إيه يا سوابق .

أم كوثر : آه يا باشا هو ميعرفش ؛ لأنه أول مرة يساعدي لما طلبوا طفلين بسرعة .

حازم : المهم فين مكانهم .

أم كوثر : في الشارع ده يا باشا تعالى معايا .

ساروا جميعاً بسرعة نحو المنزل ودخلوا وأشارت أم كوثر إلى الشقة في الدور الأرضي واتجه جاسر لكسر الباب فأمسك به حازم وأشار إلى عصام وقال .

حازم : استنا شوية يا جاسر . مش إنت الطائر حرامي الشقق . افتح دي .

انحنى عصام وأخرج سلك من جيبه وحاول فتح باب الشقة حتى انفتح .

فأشار لهم جميعاً بالصمت .

دخل الجميع الشقة بصمت و رأى حازم في الصالة بعض المستلزمات الطبية

وبعض العبوات مثل التي في معامل التحاليل لكن يبدو أنها أحدث .

وكانت أمامه غرفتين فأشار إلى جاسر وساره للدخول إلى غرفة وهو ومريم سيدخل غرفة والعساكر تمسك أم كوثر وعصام .

مع إشارة حازم دخل جاسر وساره وحازم ومريم في نفس اللحظة .

فوجد عادل وأمامه طفلة مشقوقة الصدر والبطن وقال بذهول .

عادل : مريم إنتي بتعملي إيه هنا .

مريم : إنت اللي بتعمل إيه هنا أنا جايه أشوف ابننا المخطوف .

حازم : هو جوزك .

عادل : ابننا اتخطف .

مريم : المجرمة أم كوثر قالت إنه هنا .

فخرج عادل ومريم بسرعة من الغرفة واتجه نحو الغرفة الثانية .

في نفس اللحظة كأن جاسر وساره يدخل للغرفة فيجد أمين أمامه طفل مشقوق الصدر والبطن ويقول .

أمين : ساره اللي جابك هنا .

ساره : بتتنا اتخطفت يا أمين اتخطفت .

جاسر : هي مدام ساره مراتك .

أمين : بتقولي إيه بتتنا اتخطفت إزاي .

ساره : في واحدة اسمها أم كوثر خطفتها دلوقتي
وجت هنا .

ارتسم الذعر على وجه أمين وأمسك بيد زوجته
ساره وانطلقا خارج الغرفة

ناحية الغرفة الثانية في لحظة دخول عادل
ومريم الغرفة انهارت ودخلت في نوبة بكاء وصراخ
هستيري من مشهد جثة ابنها على السرير الأبيض
مشقوقة الصدر والبطن وبجواره عبوات تحتوي على
أعضائه الصغيرة . وقف عادل مصدوما وفقد النطق
والإحساس بالزمن والمكان وتوقف عقله عن العمل
وهو يسترجع صور كل الأطفال الذي قتلهم بيده،
وطبعت صورة ابنه في عينه وبقيت ثابتة لا تفارقه .

في نفس اللحظة

دخل أمين وساره غرفة عادل ووجدوا جسد
طفلتهم الوردي الرقيق الهامد على السرير الملوث
بدمها الأحمر الفاتح، وتوقفت الدنيا في عيني أمين
ولم يكن يدرك أو يشعر بما حوله ولا أين هو ولا من
هو وفقد النطق .

وفي اللحظة التي رأت فيها ساره ابتتها تغطيها
الدماء تجمعت في داخل أعماقها الآلاف من الصرخات
وخرجت من فمها صرخة واحدة مدوية
وبعدها أغمي عليها .

وقف حازم وجاسر يتعجبا من هذا الموقف
وأشفقا على صدمة الزوجات
في أزواجهم اللذان قتلا فلذات أكبداهم من
أجل المال وقال .

حازم : لو اشتغلت ١٠٠ سنة مش هتشوف قضية
زي دي .

جاسر : فعلا . ولا أنا بس أقدر أقول إن هي ده
لعبة القدر الإلهي .

تم القبض على عصام الطاير وأم كوثر التي ظلت
تصرخ وتقول أنا بريئة

هو ضحك عليا وقالي دول للأبحاث أنا بريئة .

تم تحويل عادل وأمين إلى مستشفى الأمراض
النفسية والعصبية .

بعد فترة ذهب حازم وجاسر إلى بوابة مستشفى
المجانين وشاور على عادل وأمين وهما يجلسان في
حديقة المستشفى على نفس الحالة اللذان كان عليها
في الشقة وقال له .

حازم : شوف يا جاسر آخر الطمع . عمري ما
هنسي القضية دي .

جاسر : فعلا . كانوا عاوزين يكونوا أشهر دكاترة
في مصر والتحقت أمانهم

ومصر كلها بتتكلم عنهم .

حازم : فعلاً الإنسان سجين أفكاره، حبس نفسه
جوه فكرة، في لحظة فكر في فكرة يكسب بيها كل
حاجة، وفي لحظة رد فعل الفكرة خسرت كل حاجة .

هز جاسر رأسه بألم مؤيدا كلام حازم .

حازم : بس بعد ما خلصت القضية حاسس أن
لسه في مجرم مجهول هو المسؤول عن كل حاجة بس
القضية لسه مفتوحة بالنسبة ليا .

جاسر : و انا برده جالي نفس الإحساس ،
خصوصا لما يحيي التربي اتصل

بعادل يسأل عن جثث الأطفال ، وكشفنا سر ليه
مفيش جثث في الشوارع .

حازم : في طرف خيط أنا مسكته وهامشي وراه
لغاية آخره .

جاسر : طرف خيط .

حازم : انت حسيت زي إن عادل وأمين أكيد
مش لوحدهم .

جاسر : أكيد ، واضحة زي الشمس .

حازم : أم كوثر قالت في التحقيق إن عادل اتصل
وقالها عاوز المرة دي طفلين بسرعة

وهدفع الضعف، وكانت أول مرة تخطف طفلين
علشان كده اتصلت بجوزها العرفي
عصام الطاير .

جاسر : تمام كمل أنا معاك .

حازم : بعد لما قبضنا عليهم بساعة جالنا خبر وفاة
أبناء الدكتور نظيف نتيجة تهتك حاد من آثار الحادثة
وكانوا محتاجين نقل وزراعة أعضاء بسرعة جدا .
جاسر : آه سمعت الخبر واحنا بنحقق معاهم،
و الدكتور نظيف جاله إكتئاب وفضل فترة في فيلا
المنصورية .

حازم : لو افترضنا أن نظيف بعد الحادث احتاج
زراعة أعضاء لطفلين بسرعة، وعادل اتصل بأم
كوثر وقالها عاوز طفلين بسرعة، وزراعة الأعضاء
محتاجة مستشفى كبيرة وخاصة وفيها أعلى مستوي
لقسم زراعة الكلي في مصر

وطبعًا مفيش غير سلسلة مستشفيات الدكتور
نظيف، يبقى كده في صلة بين نظيف وعادل وأمين .

جاسر : كده الخيوط كلها اتجمعت مع بعض ،
نظيف يشغل عادل وأمين عنده وهما يشغلوا أم
كوثر ويحيي التربي ، ناقص بس الدليل .

حازم : بعد عادل وأمين ما فقدوا عقلهم مفيش
قدامنا غير مراقبة الدكتور نظيف ، هي دي مهمتنا
الجايه يا بطل .

جاسر : على بركة الله نبدأ المهمة ونجيب حق
الأطفال البريئة .

في أخبار عن الزوجات مريم و ساره .

حازم : لا بعد التحقيق اختفوا عن الناس .

و لحظة صمت والكاميرا تبتعد عن المكان
وتذهب بعيدا إلى المقابر وتقرب من مريم و ساره
وهما تقفان بجانب بعضهما ووجههما للمقبرة التي
تحمل بداخلها قطعة من قلب كل منهم . ويقرءون
الفاتحة وبعدها التفتا إلى بعضهما البعض و على
وجههما ابتسامه رضا من عند الله وكل واحدة تضع
يدها على بطنها و تتحسس حملها .

البداية

﴿وَيَمْكُرُورٌ وَيَمْكُرُ اللَّهُ وَاللَّهُ خَيْرُ الْمَاكِرِينَ﴾

دي رسالة أتمنى توصل لكل طبيب يرى إنه في
مهنة عادية .

لا بد أن يعرف أنه مبعوث إلهي يحمل بين أصابعه
جزءاً من رحمة الله لتصل إلى كل مريض .

وإن مهنته ليست تجارة مع المرضى بل هي تجارة
مع الله .

وهي تجارة رابحة بإذن الله .

و أحب أقول لكل أب وأم خلي عينك دائماً على
ابنك .

وللمجتمع خلي كل الاجراءات تمشي صح مش
أي حد يروح للتربي ويقوله أعمل ثواب وأدفن
بدون تصريح

يسمع كلامه وكم ان فلوس زيادة الي بتفتح
السكه لكل حاجة .

دي رسالتي إلى الضمير الإنساني .

يا وطني العزيز أبدا بحملة توعية لكل أطراف
المجتمع

أبدأ بشباب الوطن كي يحمي أطفال المستقبل .

وأتمني أن تؤثر حروفي البسيطة في من يقرأها

إهداء

إلى صديقي الكاتب (خالد السيد) وصديقي المحاسب
(أحمد محمد البدرى)

الذين كان لهم الأثر الأكبر في خروج رؤيتي لهذا
المشهد أن تظهر إلى النور بهذه الصورة الرائعة .

هذا المشهد رأيته عيون عقلي وأرسلت إلى أناملي
وقلمي إشارة لكي أكتبه وتنير حروفه كل قلب مظلم
وعقل لا يدرك ما يفعله ويذهب من الغد إلى نقابة
الأطباء ويقول قسم الطبيب من جديد بقلبه أولاً .

المؤلف

إهداء خاص

إلى الدكتور (حسين محمد حسن الجبالي)
الذي يستحق أن تقول عنه أنه عندما قال قسم
الطبيب زرع الله بداخل
قلبه وعقله وروحه بذرة خير تبت وتكبر مع
مرور الوقت ويصل ظلها
إلى كل من حوله . وهو الآن في تجارة مع الله من
خلال خدمة أهل منطقته في مدينة الخصوص .